

中西對照歷代紀年圖表

萬國鼎編

商務印書館發行

中西對照歷代紀年圖表

萬國鼎編

商務印書館發行

自序

比年服務於圖書館，館中編目，例載撰書之年。顧各書記年之法，頗不一致。或載年號紀元，或載年號甲子，或載年號與歲陽歲陰，或但有甲子，或但有歲陽歲陰，或並此而無之。查考之際，往往費時。因取最近五百年，列爲一表，將年號紀元甲子西元等對照。於是但知其一，不難檢得其餘矣。友人李君小緣見之以爲便，謂其爲用不僅限於圖書館，慫余成之。並謂泰西各國，其普通參考書，無不多且備。學者偶有所檢，展卷卽得。近年我國整理國學之呼聲甚高，然於此等工具書，則出版者殊少。吾等固不可不盡其一部分之力也。誠哉李君之言，余甚韙之。且鑒於我國紀年之書，或缺略不具，或繁瑣難檢，而排印款式，尤多欠善。用自勉勵，努力成之。今將付印，記其緣起如此。尙希大雅教正焉。

中華民國十六年二月一日 武進萬國鼎序於南京金陵大學圖書館

例 言

我國歷史，導源甚古。自黃帝以來，皆有年數。然史記紀年，斷自周召共和。共和以前，則各書互異，未可強同，已難徵信矣。而鄭樵且並史記所載而疑之，於其通志年譜，斷自春秋，蓋後所謂共和元年者一百十九年。近人則疑古愈勇，堯舜禹之是否實有其人，且成問題焉。總之，我國紀年之可信者，至早始自共和元年。故本書按年編表，亦託始於是年。

姬周共和以前，原意欲採各書，並列比較。繼思本書志在明顯，並列徒滋紛擾。因但取通常所遵從者，如皇極經世書通鑑輯覽等所載（按諸書大都依據漢書律歷志，而律歷志則本劉歆之三統曆。竹書紀年與此頗異。學者頗有斥劉說之偽，而主從竹書紀年者。惟今本竹書紀年亦非汲冢之舊耳），輯錄歷代帝王之元年，聊備參考，餘均從略。本書所記夏商史事，亦從通常所傳者，不必盡當也。

我國舊因帝王紀年，故改元頻仍。甚或一君數十年間，改元十數次。而一歲之中，帝王屢易，年號屢改者，亦數數觀。至若三國南北朝等羣雄並峙之際，同在今之中國而一歲之號，自二三至十數，紛紜煩瑣極矣。不獨稽考費

時，其先後相續，亦往往易生差忒。故史家紀年，向以甲子爲準。

甲乙丙丁戊己庚辛壬癸爲十干，亦曰天干。子丑寅卯辰巳午未申酉戌亥爲十二支，亦曰地支。取義於木之幹枝。相傳爲天皇氏所創。黃帝時大撓氏始以天干配地支，以作甲子，如甲子，乙丑，丙寅之類，俗謂之六十花甲子。凡紀年月日時皆用之。其序次常一定。故若用以紀年，則雖一歲之間，君主數易，年號屢改，羣雄割據，興滅代變，而甲子歷數無差焉。學者考證，但能定其甲子，即可按序譜之矣。惟甲子六十年一轉，爲時甚暫。但恃甲子，不足以紀攸久之年。故必同時繫以國號及帝王廟號年號等，始能確定其時。是亦不免煩瑣耳。

今試向曾受中等教育之國人問之曰，周元王元年與考王元年孰前孰後？或晉穆帝永和辛亥與惠帝元康壬子孰前孰後？吾知能答者，百不得一也。今若問之曰西元351年與292年孰前孰後？則稍具常識者立辨之矣。其難易爲何如？故本書紀年，以西元對照，俾易辨別。或曰，今民國紀元之法，與西元同也。曷爲不用民國紀元前年數與歷代對照？曰，是亦有說。以中西對照，則便於比較中外時代。且西元爲大多數國家所遵用，殆已成爲世界公共紀元，今我國亦頗有以公元名之者矣。然則曷爲不並列

民國紀元前年數曰，將西元化爲民國紀元，其法甚易，且需用之機會甚少。故本書不復並列，但附化算之法於編末。

惟將中西紀元對照之際，有一事須注意者：我國舊時用陰曆，西元則用陽曆，爲時並不適合，往往陰曆尙在年尾，陽曆已是次年之一月或二月。取相對照，不過大致相當耳。

我國舊曆，亦非歷代盡同者。古謂正月一日曰正朔，王者易姓，則改正朔。三代以前之正朔，說者不一：鄭玄云，堯建丑，舜建子；王肅云，夏以前建寅；蔡德晉云，黃帝建子，伏羲顓頊建寅。三代則夏正建寅，商正建丑，周正建子，謂之三正，亦稱三統。秦建亥。漢初仍之。武帝改用夏正，以建寅之月爲正月，以立春爲歲首。自此以後，沿用迄於清末。民國改用陽曆，其制始廢，然通俗仍沿用之。故今亦稱陰曆曰夏曆。然則商之正月，夏曆十二月也，以小寒爲歲首。周之正月，夏曆十一月也，以大雪爲歲首。秦之正月，夏曆十月也，以立冬爲歲首。我國舊曆之歲首，歷代亦不盡同也。

古之史家，每斤斤於正統閏位之分，霸僞僭竊之辨。今日視之，殊不足取。故本書於割據之世，列國並載。惟東周諸侯，晉時六十國，五代時十國，爲數過多，表格之地位

有限，不克悉載。因別爲年表三篇，附於對照表後。至若草澤英雄，叛臣盜賊，雖亦建號稱尊，未幾卽亡者，則均從略。

亞東鄰國，莫不沾被華化。而日本自明治維新後，一躍而爲世界列強之一，與我國之關係尤密。因附載日本皇統年號表於編末；並自元以來，附載其年號於對照表中。

我國歷史旣長，其間朝國起滅，分合傳授，頗形繁複。而年號衆多，尤非研究有素者所易檢查。茲因提綱挈領，摘記歷代大要，附諸編首。複製爲兩圖，一示興亡久暫，一明分合傳授。庶幾數千年間重要史事，可盡收於一覽之下。復將國號廟號年號及帝王姓名等，編爲索引，附諸簡末。然後偶有所檢，展卷卽得。或於普通參考及初學治史者不無小補也。

目 次

自序

歷代紀要.....	1
歷代興亡久暫圖	
歷代分合傳授圖	
姬周共和以前帝王表.....	17
中西紀年對照表	19
東周列國年表.....	75
晉十六國年表.....	80
五代十國年表.....	83
民國紀元前年數推算法.....	85
西元甲子檢查表	86
太歲紀年表.....	90
日本皇統年號表	91
索引.....	97

歷代紀要

黃帝至虞舜 凡七世, 492年(西元前 2697-2205)。

夏 姁氏。禹受舜禪。都安邑(今山西解縣)。奄有黃河揚子江兩流域及今遼寧省。傳至桀,爲商所滅。凡十七主, 439年(西元前 2205-1766)。

內寒浞篡位 40年(西元前 2119-2079)。

商 子氏。成湯代夏有天下,國號商。都亳(今河南商邱縣)。有今黃河揚子江兩流域及遼寧省西部。都凡六遷。盤庚十四年遷都於殷(今河南偃師縣),改國號曰殷,故兼稱殷商。傳至紂,爲周所滅。凡五興五衰,二十八主, 644年(西元前 1766-1122)。

周 姬氏。武王十三年滅商有天下。都鎬(今陝西長安縣西南)。疆域如商。傳至幽王,爲犬戎所滅,是爲西周。幽王子平王遷都洛邑(今河南洛陽縣東),傳至赧王,爲秦所滅,是爲東周。共三十四主, 867年(西元前 1122-255)。

西周 凡十二主, 352(西元前 1122-769)。

東周 凡二十二主, 515(西元前 770-255)。

春秋 本魯史記之名，因以名時代。自魯隱公元年（即周平王四十九年）至哀公十四年（周敬王三十九年），凡十二公，242年（西元前722-481）。

戰國 自周威烈王二十三年命韓趙魏爲諸侯起，至秦并六國止，凡182年（西元前403-221）。

東周之世，王室衰微，諸侯強并弱，名雖蕃屬，實同獨立。茲舉其傳次可考者如下：

魯 姬姓侯爵。周封周公旦之子伯禽，都曲阜。爲楚所滅。凡三十四世，867年（西元前1115-249）。

齊 姜姓。侯爵。周封太公望，都營邱。爲其臣田氏所篡。凡二十九世，744年（西元前1122-379）。又田氏。田和篡齊。周命爲諸侯，後爲秦所滅。凡七世，稱王者五世，166年（西元前386-221）。

晉 姬姓。侯爵。周成王封弟虞於唐，二世燹徙晉，始改曰晉。傳至翼侯緡，爲曲沃武公所滅，代有晉國。傳至靖公俱酒，韓趙魏三分其地，晉遂滅。自唐叔至侯緡十七世，又武公以後二十一世。共732年（西元前1107-376）。

韓 姬姓。周貞定王十六年（西元前453），韓趙魏

滅智氏，三分晉國，至威烈王二十三年命爲諸侯。後爲秦所滅。凡十一世，五世稱王，174年(西元前403-230)。

趙 嬴姓。爲秦所滅。凡十一世，六世稱王，182年(西元前403-222)。

魏 姬姓。爲秦所滅。凡八世，六世稱王，179年(西元前403-225)。

燕 姬姓。侯爵。周武王以封召公奭。爲秦所滅。凡四十四世，七世稱王，901年(西元前1122-222)。

秦 嬴姓。伯爵。周孝王封非子於秦爲附庸。六世襄公以兵救周有功，遂列爲諸侯。自非子起三十世爲諸侯，五世稱王，又稱帝二世而滅。共691年(西元前897-207)。

楚 芈姓。子爵。周成王封熊繹於楚蠻居丹陽。爲秦所滅。凡四十世，二十五世稱王，893年(西元前1115-223)。

宋 子姓。公爵。周封殷帝乙之元子啟爲成湯後。爲齊與楚魏所滅。凡三十二世，828年(西元前1113-286)。

衛 姬姓。侯爵。周武王以封同母弟康叔。至秦二世時始滅。凡三十九世，913年(西元前1121-

209)。

陳 媯姓。侯爵。周封舜後胡公滿。爲楚所滅。凡二十三世，644年(西元前1122-478)，中絕五年。

杞 姁姓。侯爵。周封東樓公爲禹後。爲楚所滅。凡二十世，678年(西元前1122-445)。

曹 姬姓。伯爵。周武王以封弟振鐸。爲宋所滅。凡二十三世，636年(西元前1122-487)。

蔡 姬姓。侯爵。周武王以封弟叔度。度作亂，被放死，周公後封其子胡。爲楚所滅。凡二十四世，662年(西元前1108-447)，中絕三年。

鄭 姬姓。伯爵。周宣王以封其弟友。爲韓所滅。凡二十二世，432年(西元前806-375)。

吳 姬姓。子爵。周太王長子泰伯逃於句吳，荊蠻立爲君，後武王因而封之。爲越所滅。凡二十五世，七世稱王，720餘年(西元前?-473)。

越 姁姓。子爵。夏少康少子無餘封於會稽，奉禹之祀。傳二十餘世至允常，又八世爲楚所滅。共1724年(西元前2057-334)。

秦 始皇二十六年一統天下，傳至二世而亡。凡15年(西元前221-207)。

漢 劉邦滅秦，國號漢。都長安。奄有黃河長江珠江三流

域及今朝鮮北部，遼寧，新疆，內蒙古，安南等地。傳十二主，213年(西元前206至西元7)，爲王莽所篡，是爲前漢，亦稱西漢。

光武中興，遷都洛陽。凡十二主，195年(西元25-220)，禪於魏，是爲後漢，亦稱東漢。

前後漢之間，新莽十五年，更始二年，或亦計入前漢。前後共計二十六主，425年。

三國 漢末，羣雄割據。自曹丕篡漢，至晉之興，魏，蜀，吳三國並立，是爲三國之世，凡45年(西元220-265)。

魏 曹丕篡漢爲帝。都洛陽。有今河北，河南，山東，山西，甘肅及陝西中部，湖北，江蘇，安徽北部，遼寧中部西部，朝鮮北部之地。禪於晉。凡五主，46年(西元220-265)。

蜀 劉備以宗室稱帝於蜀，史稱蜀，亦稱蜀漢，季漢，有今四川及雲南，貴州北部，陝西，漢中一帶之地。爲魏所滅。凡二主，43年(西元221-263)。

吳 孫權據江南稱帝。奄有今浙江，兩湖，閩，粵，安南等地。爲晉所滅。凡四主，59年(西元222-280)。

晉 司馬炎篡魏，都洛陽。奄有魏，蜀，吳三國之地。爲前趙所滅。是爲西晉。凡四主，52年(西元265-316)。

元帝渡江，卽位建康（今江蘇江寧），保有江南之地。是爲東晉，禪位於宋。凡十一主，103年（西元317-420）。

五胡十六國 東漢以來，匈奴，鮮卑，羯，氐，羌五種，先後移於塞內，勢力漸增。西晉末至南北朝初葉，136年（西元304-439）間，先後占據北方及西蜀，建國十六，是爲五胡十六國。附劉淵於前趙，附冉閔於後趙，附西燕於後燕，附譙縱於成漢，故不曰二十國。又代爲後魏之先，不在十六國之內。

前趙 匈奴劉淵稱帝。都平陽今山西平陽縣。有今山西及陝西中部東北部，甘肅東部，河南北部。國號漢，史稱北漢，傳四主至劉曜，徙都長安，改國號曰趙，史稱前趙。共26年（西元304-329）。爲後趙所滅。

後趙 羯人石勒滅前趙稱帝。都襄國（今河北邢臺縣）。有今河北，山東，山西，湖北，及河南北部，陝西中部東北部，甘肅東部之地。國號趙，史稱後趙。傳至石鑒，爲冉閔所殺，改國號曰魏。凡二姓，八主，35年（西元328-352）。爲前燕所滅。

成漢 氐人李雄據蜀，有今四川及陝西南部及雲貴北部之地。國號成。至李壽，改號漢。故史稱成漢，亦稱後蜀。凡五主，45年（西元303-347）。爲

東晉所滅。

前涼 漢人張軌本晉涼州刺史，有今甘肅西部一帶之地。其子茂稱涼王。凡九主，76年（西元301-376）。爲前秦所滅。

後涼 氐人呂光據涼州姑臧（今甘肅武威縣），稱涼天王，有今甘肅省東部之地。凡三主，18年（西元386-403）。爲後秦所滅。

南涼 鮮卑人禿髮烏孤起西平（今甘肅西寧），稱西平王。其弟傉檀稱涼王。有今甘肅西寧之地。凡三主，18年（西元397-414）。爲西秦所滅。

北涼 匈奴人沮渠蒙遜起兵背後涼，推段業爲涼王，據張掖（今甘肅張掖縣）。後殺業而自立。凡二姓，三主，43年（西元397-439）。爲後魏所滅。

西涼 漢人李暠據敦煌（今甘肅敦煌縣），稱涼公。凡三主，22年（西元400-421）。爲北涼所滅。

前燕 鮮卑人慕容廆據大棘城（今遼寧義縣西北）。稱鮮卑大單于。子皝稱燕王。有今北河，遼寧，山東，河南，山西之地。凡四主，自稱王至亡26年（西元345-370）。爲前秦所滅。

後燕 慕容垂據中山（今河北定縣）。稱燕王，旋稱帝。有今河北，山東，及河南北部，遼寧西部，山

東東部之地。凡四主，24年（西元384-407）。又高雲三年（西元407-409）。爲北燕所滅。

西燕 慕容冲破苻堅兵，據阿房地（今陝西咸陽）稱帝，史稱西燕。凡七易主，共11年（西元384-394）。爲後燕所滅。

南燕 慕容德據滑臺（今河南汲縣）。稱燕王。旋據廣固（今山東益都縣）。有今山東東部半島之地。凡二主，13年（西元398-410）。爲東晉所滅。

北燕 漢人馮跋乘後燕內亂，代之稱天王，據昌黎（今遼寧境）。凡二主，28年（西元409-436）。爲後魏所滅。

前秦 氐人苻氏據關中，國號秦。其國盛時，南至邛樊，東抵淮泗，西極西域，北盡大磧。凡六主，44年（西元351-394）。爲後秦所滅。

後秦 羌人姚萇弑苻堅，自稱秦王，史稱後秦。據長安。有今陝西中部，河南南部，甘肅東部之地。凡三主，34年（西元384-417）。爲東晉所滅。

西秦 鮮卑人乞伏國仁乘苻堅敗，稱大單于。其子乾歸稱秦王。據金城（今甘肅榆中縣）。有今甘肅南部之地。凡四主，47年（西元385-431）。爲夏所滅。

夏 匈奴人赫連勃勃據今內蒙古之鄂爾多斯及陝西省，稱大夏天王，旋稱帝。凡三主，25年（西元407-431）。爲後魏所滅。

代 先世爲鮮卑酋長，後受晉封爲代王。至什翼犍始建年號，凡39年（西元338-376）。爲前秦所滅。後其孫拓跋珪復建國曰魏，史稱後魏。

南北朝 東晉之後，宋齊梁陳相繼據有南方之地，是爲南朝，共169年（西元420-589）。北方則先後爲魏，北齊，北周所據，是爲北朝，共195年（西元386-581）。合稱南北朝。

南朝：宋 劉裕受晉禪，國號宋。都建康（今江蘇南京）。有今揚子江珠江兩流域各省。凡八主，59年（西元420-479）。禪位於南齊。

齊 蕭道成受宋禪，國號齊，史稱南齊。都建康。凡七主，23年（西元479-502）。禪位於梁。

梁 蕭衍受齊禪，國號梁。都建康。凡四主，55年（西元502-557）。禪位於陳。

陳 陳霸先受梁禪，國號陳。都建康。凡五主，32年（西元557-589）。爲隋所滅。

北朝：魏 拓跋珪自立爲代王（參五胡十六國條下所附之代），國號魏。旋稱帝。都平城（今山西大